



明詩紀事

貴陽陳田輯

乙籤

陳循 二首

循字德遵太和人永樂乙未第一人及第除翰林修撰洪熙改元進侍講宣德初進侍講學士正統中進翰林學士入文淵閣典機務旋進戶部右侍郎兼學士景泰中進少保歷文淵閣華蓋殿大學士英宗復辟謫戍鐵嶺尋放還有芳洲集十卷

賽齋瑣綴錄宣廟最好詞章選南楊與陳芳洲二先生日直南宮應制南楊思遲陳思敏一日代御製壽星贊陳援筆贊云渺南極兮一星燦祥光兮八紘兆皇家兮永齡我懷思兮治平賴忠貞兮彌成宜壽域

乙籤卷十一

今同升南楊以指圖書壽域二字欲易而未就時中官促進甚急曰先生有則改無則罷遂取去賜內閣問二楊先生曰壽域二字如何西楊應曰八荒開壽域中官還詰南楊曰入荒開壽域此何語然南楊曰好詩中官曰先指壽域為未好何也南楊默然少頃陳退食遇西楊於端門西楊語陳曰適賜壽星贊甚佳必大手筆也陳唯唯後正統間朝鐘一日不受杵命內閣製祠鐘文南楊入室中翻舊稿不得太監候久促陳芳洲曰先生何不作陳乃白南楊曰舊無此稿先生第口占我寫南楊乃起一語陳遂續成之

沛縣

漢祖歌風處荒臺宿草迷野雲連碣北溪雨過豐西人自殊方至書因去客題鴿原千里隔落筆數行悽

過徐州迴鑾處

偶過迴鑾處遙因想翠華彩雲飛輦路象迹印汀沙曉日彭城地春風楊柳花獨慚隨使節重此泛仙槎

陳輝 八首

輝字伯煒閩人永樂乙未進士除監察御史出爲貴州按察僉事遷廣東副使有存菴琴邊清唱二集

謝肇淛福州府志陳輝工詩善鼓琴草書學懷素老而筆力尤勁解縉雅推服之

田按伯煒詩格清婉永樂中當推作家其官吾黔按察僉事時與巴陵方御史與佺唱和永樂甲辰御史

巡察赤水得一聯云雲生石洞重陰合雨過峯巒積巡深索伯煒卒成之見琴邊清唱集而黔志職官列

於宣德朝誤矣

遊桂月軒

靈境闕空寂雲門入中峯玩奇事幽賞因得相追從蕭條林木昏羣物生秋容暝色半潭雨寒聲雙澗松行吟送落葉歸思聞疏鐘蓮社有佳約東林期再逢

乙籤卷十一

秋日同諸公登清冷臺

靈峯起千仞高臺鬱岑寂煙蘿窮攀登山谷恣探歷憑高一長嘯頓覺萬緣息長江天際來茫茫去無極萬籟送天聲連山起秋色更聽白猿嘯東林澹將夕

落岩峯性上人山房

聽梵來山寺逢僧宿石樓風泉行處滿花竹坐來幽別澗鐘聲晚空潭樹影秋東林微月白相送虎溪頭

寒夜留宿故人隱處

高齋期夜宿蘿徑獨攜琴尊酒成幽酌孤燈照短吟竹泉分小澗霜葉響空林且盡山中醉誰論物外心

寒夜有懷宗武

坐向東樓月上時懷君不寐益淒其獨拚斗酒山中醉深負
孤琴雨後期夜久霜風還動竹天寒雪雀自爭枝也知別後
能相憶故遣新詩慰所思

題上清方壺山水

曾過蓬島訪茅君路入中峯紫翠分琪樹寒生雙澗雨石門
秋卧半潭雲捲簾山色當窗見拂軫溪聲入坐聞何日暫辭
塵服累青松白鶴自爲羣

小景題贈密齋先生

長尋幽絕避囂喧野服吟秋到鹿門幾處秋山連斷岸數家
黃葉帶孤村風潭石瀨清琴響煙徑苔花翳屐痕卻羨漁樵
林下趣白雲相對欲忘言

哭草堂上人

乙籤卷十一

三

上人隻履歸何處振錫泉臺去不回雙樹落花禪榻靜一燈
深竹影堂開池虛殘月餘明鏡松偃高枝翳古苔馴鳥不知
人事改捲簾日日去還來

李茂弘一首

茂弘字用受黃巖人永樂乙未進士官吏部員外郎

遊泉南清溪洞

僊人跨鶴去不返古洞寥寥遺空山瑤草叢叢曉煙淡碧桃
寂寂春風寒徒聞金丹換毛骨不見白日生羽翰蓬萊三島
渺何許令人矯首空長嘆

許彬一首

彬字道中甯陽人永樂乙未進士改庶吉士授檢討
正統末累遷太常少卿兼翰林待詔提督四夷館景
泰中奉迎英宗還擢本寺卿天順初進禮部左侍郎
兼翰林學士入直文淵閣尋出爲南京禮部右侍郎
甫行貶陝西參政乞休去成化初以侍郎致仕有東

魯先生集

王士禛漁洋文略鄉前輩許侍郎彬詩有云道上鉤
衣蒼耳子風前聒客白頭翁句可誦
田按漁洋稱侍郎道上鉤衣蒼耳子一聯余謂不如
黃河九曲天邊落華嶽三峯馬上來尤雄俊也

題王舜耕畫

流水橋頭行客青山樹杪人家仙源正在何處松蘿深鎖煙
霞

乙籤卷十一

高穀 二首

穀字克用揚州興化人永樂乙未進士選庶吉士授
中書舍人仁宗踐阼改春坊司直郎尋遷翰林侍講
正統中進侍講學士擢工部侍郎入內閣知制誥景
泰初進尙書少保東閣大學士兼太子太傅尋進謹
身殿大學士英宗復辟謝病歸卒成化初贈太保諡
文義有育齋集十七卷歸田集三卷拾遺集一卷

寄王爲善先輩

右軍軒居足清致爐煙細繞匡山屏瑤琴鼓時月皎皎白鶴
舞罷風泠泠讀書累日不出戶教子有時還過庭安得相從
一握手談詩酌酒共忘形

題江村夕照圖

青山繞郭暮雲飛，江上人家半掩扉。楓樹影斜村社散，蓼花香細釣船歸。天晴白鷺依沙集，秋老黃雞啄黍肥。好似輞川圖畫裏，空林煙火正斜暉。

牟倫一首

倫字秉常，宜賓人。永樂乙未進士官監察御史，以諫

謫甘肅

題肅州景

百雉層城萬里遙，漢家曾此建旌旄。不聞官吏鳴宵柝，尚有番王款聖朝。貢去天閑皆驥馱，來銀甕有蒲萄。於今絕塞無烽警，定遠何須戍險勞。

乙籤卷十一

五

蕭儀三首

儀字德容，樂安人。永樂乙未進士官吏部主事，以論遷都北京忤旨見殺。有襪綫集十五卷。

四庫總目：儀文有紆徐曲折之致，而意境不深。其詩為朱彝尊明詩綜所不錄，殆偶未見歟。

人按：永樂時江西有二蕭儀，一樂安人，永樂甲午舉人；乙未進士官吏部主事。一泰和人，永樂丁酉舉人。官教諭，樂安蕭儀有襪綫集，見四庫總目。及查復重江西志錄詩者，往往誤為泰和蕭儀。泰和縣志江西詩徵皆有此失。

昨見伐木謠詞甚愴意，甚真深足以見一時之事俗。故

廣之

永樂四年秋起夫，只今三載將何如。無貧無富總趨役，三丁兩丁皆走塗。山田雖荒尚供賦，倉無餘粟機無布。前月山中

去未回縣檄倉忙更催去去年拖木入閩關後平山裏天正
寒夫丁已隨瘴毒歿存者始惜形神單穉子多孤母多老幾
度臨門望歸早火伴還家始報音遺骸已潤荒山草官家役
簿未除名孤兒殘婦仍登程去年丁壯已殞歿今年孤弱知
無生君門如天多隔阻聖主那知萬民苦但聞木數已將完
王事雖勞莫懷土

和潘參政遊玉山韻

玉山山頭雲作堆仙人居處有樓臺吹笙靜夜來子晉度曲
有時聞善才深洞龍歸長帶雨古碑字落半封苔元都勝覽
知無極琪樹東風花正開

雲林圖

乙籤卷十一

六

喬林冉冉晴雲浮灑氣泱滂山木稠林深或招老鶴宿雲暗
恐挾神龍遊茅茨幾架在空谷略約百尺橫清流道人雲外
夢初醒長嘯一聲天地秋

張居彥一首

居彥字翰華上虞人永樂丁酉舉人累官福建按察

僉事

舟中寫懷

老畏年華暮愁深鬢雪多浮名秋草露歸思大江波舊恨憑
詩遣衰顏借酒和故鄉無限樂歸去蒼漁叢

李騏一首

騏字彥良長樂人永樂戊戌第一人及第授翰林修

撰

芝山蘭若

東峯六曲屏峯下，祇樹深深舊蘭若。施食臺前芝草香，繡經席上流雲瀉。我昔逃禪來此山，上人飛錫上方還。香床說法天花落，丈室懸燈水月閒。揭來精舍東溪裡，垂帷永日聞流水。四壁煙蘿世外青，六時鐘梵雲中起。招邀乘暇更登臨，共愛雲堂花木深。莫道空門俱是幻，片時清淨卽禪心。

周敘一首

敘字功敘，吉水人。永樂戊戌進士，改庶吉士，授編修。歷修撰，侍讀，遷南侍講學士，有石溪集。

江上行

乙籤卷十一

七

江流昨夜添新雨，綠樹流鶯嬌不語。三三白芷冶遊郎，兩兩紅粧浣紗女。青山江上立嗟哦，江中新水生洪波。畫船搥鼓凌風去，兩岸春聲雜棹歌。

吳源一首

源字叔淵，閩人。永樂戊戌進士，官當塗知縣。

凌歊臺

晚風扶醉上凌歊，落日孤城思寂寥。歌舞盡隨王氣散，英雄長恨霸圖銷。黃山樹色空嗚鳥，采石江聲半落潮。惆悵不須嗟物換，六朝遺事總蕭條。

尹鳳岐二首

鳳岐字邦祥，吉水人。永樂戊戌進士。詩錄誤作丙戌改庶吉

士授編修遷侍讀

田按葉文莊水東日詔稱侍讀喜作戲謔詩今錄一詩亦復莊雅

送朱善繼使南郡

南國山川舊帝畿
皇華駟牡去駢駢
柳垂禁籩絲千縷
花繞宮牆錦一圍
朝士共矜文度至
鄉人爭羨買臣歸
明朝冀北相思處
煙樹蒼茫夕照微

挽左都御史陳儋敏公

烏府服官早有聲
清時夷夏盡知名
五朝出入持風紀
一代衣冠屬老成
白首還家今有幾
丹心戀闕死猶生
傷心爲賦招魂句
悵望東吳倍愴情

金誠一首

乙籤卷十一

八

誠字誠之番禺人永樂戊戌進士授工部主事改刑

部

澹齋

端居探元化因物窮至情
智者取其實薄俗徒徇名
立酒本忘味大音亦希聲
沖和養天性得之良足矜
繁華豈不貴倏忽秋露零
寄心向冥漠永以全堅貞

習嘉言一首

嘉言名敬以字行新喻人永樂戊戌進士改庶吉士

授編修累官詹事府詹事有溫稿垣西稿尋樂集

和春坊諭德黎潛輝早朝謝恩

一麾出守滯多時
又沐恩波拜赤墀
士論久因科第重
宮臣

新荷薦書移秋風紫燕矜神駿曉日文鵝振羽儀粉藻治平
應有待聖朝此日際重熙

林真 二首

眞字伯誠閩人永樂戊戌進士仕至監察御史

田按閩縣有兩林眞一字伯誠洪武二十六年舉人
永樂戊戌進士仕至監察御史一字汝實永樂三年
舉人官知縣粵王臺絕句詩綜屬之汝實余檢徐泰
明風雅徐燧晉安風雅均以爲伯誠作今從之

元日早朝

暫逐鵷行覲紫宸九重仙樂奏芳辰龍樓高聳星河近鳳歷
初頒歲月新曙色漸分三殿曉鐘聲散入萬家春小臣共沐
恩波重願效華封祝聖人

粵王臺

乙籤卷十一

九

屠龍人去幾時歸空有高臺對夕暉回首舊時歌舞地年年
春草鷓鴣飛

黃閩 一首

閩字期餘信豐人永樂戊戌進士選庶吉士出爲儀
隴知縣有竹居吟稿

和恹侗生春日看花之作

多情才子惜春華樂府新聲對客誇朱雀橋邊舊遊路東風
開遍小桃花

劉鉉 一首

鉉字宗器長洲人永樂庚子舉人授中書舍人遷兵
部主事擢翰林侍講歷侍講學士國子祭酒天順初

進少詹卒贈禮部侍郎諡文恭有假菴集

水東日記正統十三年彭時榜進士詔選北土為庶吉士命儒臣教督之長洲劉詹事先生宗器公安王祭酒先生伯宣亦嘗同事時山東士二人尹旻同仁孫昱廷昭也同仁之言曰兩先生言行皆命書之詩成慟哭不能語忠誠之發左右莫不感動其詩曰一尊傾罷兩蕭蕭客思離情總不消十載禁林同侍講五更青瑣共趨朝西風鴻雁南歸急落日雲煙北望遙此際送君無限意疏疏楊柳玉河橋
始蘇志劉鉉文渾厚詩春容豐贍皆有法則

甯昌言萬玉清秋圖

甯公在昔稱時賢頭顱半白歸園田老懷淡泊愛幽雅高居別築臨同川數畝園林占清勝四時景物誇奇妍賓從日盈北海座琴尊晚載南湖船一朝陵谷那知變廢盡東南舊庭院扶疏修竹為誰青零落芙蓉不成片繁華事往今已休東

乙籤卷十一

十

床老去懷舊遊陶令宅邊松尚在習家池上水空流六十年來駒過隙俛仰之間已陳迹畫圖寂寞久無聞流落人間匪朝夕客從何處遠持來佳致依然不殊昔夢迴昨夜到松陵鐘斷長橋月初白

曾鶴齡二首

鶴齡字延年泰和人永樂辛丑第一人及第授修撰歷侍讀南侍講學士有松坡臞叟二集合為松臞集

二十八卷

田按延年五言騫質有味

澹軒為清江黎氏作

靡靡流俗弊紛紛士習乖被服崇執綺雅音變淫哇譬彼洛

水流蕩滂將無涯偉哉君子徒超然異等儕浮華非我願澹
泊素所懷招隱入蘿徑遁迹結茅齋烹葵味自甘聽泉韻自
諧屣履步林澤時復緣雲崖顧盼生清風此道誰與偕

郭教授致仕還泰和

別離古所悲今我翻成歡酌酒勸君飲飲盡言其端故鄉巔
水濱夙昔尙衣冠清風激隣壤英譽聞江關別來曾幾年耆
舊多凋殘後進非無賢惜哉矜式難君今罷官去素望高如
山嶷嶷坐幽居當令清俗還庭菊欣向榮采掇以怡顏揆子
邈難追引睇興長嘆

于謙 五首

謙字廷益錢塘人永樂辛丑進士宣德初除御史超

乙籤卷十一

十一

遷兵部右侍郎巡撫河南山西正統中遷左侍郎以
事繫獄左遷大理寺少卿復出巡撫河南山西尋內
召景陵踐阼拜兵部尙書加少保英宗復辟棄市成
化初復官弘治初贈太傅諡肅愍萬曆中改諡忠肅
有集十三卷

四庫總目謙詩風格道上興象深遠雖志存開濟未嘗

於吟詠求工而品格乃轉出文士上

西湖志餘于肅愍高風大節不在詞華而其斷簡殘
篇得於燬燼之餘往往隴炙人口如肅愍行囊君莫
笑獨留長卷倚青天外冥鴻何縹緲雪中孤鶴太
清塵風穿疏牖銀燈暗月轉高城玉漏遲渭水西風
吹鶴髮嚴灘孤月照羊裘皆直寫胸臆不當以風雲
月露比擬也

落元藻全浙詩話珊瑚網法書題跋卷中載于忠肅
落花吟云昨日花開樹梢紅今日花落樹頭空花開
花落尋常事未必皆因一夜風人生行樂須少年老
去看花亦可憐典衣沽酒花前飲醉掃落花鋪地眠

風吹花落依芳草翠點胭脂顏色好韶光有限蝶空
飛歲月無情人自老眼看春盡爲花愁可惜朱顏變
白頭莫遣花飛江上去殘紅易逐水東流忠肅墨迹
世不多見此詩爲汪玉水所藏今不知歸於何所矣
田按辛丑一科有三偉人薛文清劉忠愍于忠肅也
科目得人于斯爲盛忠肅絕句極有風致

夏日卽事

密密榆槐散綠雲蕭蕭庭館絕纖塵林鶯巧語如留客梁燕
低飛不避人歲月無情催暮景江湖何處是通津數莖白髮

籠紗帽深愧淵明漉酒巾

題山水

溪山疏雨歇水木散輕陰樵唱知何處白雲深更深

春日登樓

柳條如翠綫萬縷織春愁遮斷東風路無緣入畫樓

乙籤卷十一

十一

暮春遇雨

煖風吹雨浥輕塵滿地飛花斷送春莫上高樓凝望眼天涯

芳草正愁人

村舍桃花

野水縈紆石逕斜筆門蓬戶兩三家短牆不解遮春意露出

緋桃半樹花

劉球一首

球字求樂更字廷振安福人永樂辛丑進士授禮部

主事改翰林侍講以忤王振矯旨下獄死景泰初贈

翰林學士謚忠愍有兩溪集二十四卷

少保東萊黃公輓詩

岳降生英傑寶興得異才能令吾道泰遷起士風頽佐縣同
棲棘參戎志面槐退常親簡策進不藉梯媒敷奏陳忠款超
遷自上裁從容喉舌寄親切摺紳陪受命龍墀下宣威瘴海
限餉資蕭相給民借寇公回邊鎮金湯固蠻邦宇宙開皇言
重譯布方物兩京來邏騎防秋出還旌走傳催入朝雖髮白
報國未心友寵任綏南土崇階逼上台堯天期捧日殷鼎待
調梅豈謂椿齡暮俄興薤露哀計音聞北闕恩典下東萊拱
木兒孫樹甘棠父老培令終名不朽何日到泉臺

萬節

一首

高齋節字資中安福人永樂辛丑進士除榮昌知縣入爲
御史擢廣西按察副使有雪坡集

書岡山

乙籤卷十一

三

高齋適幽曠穆然對前山誰云陶彭澤讀書在其間往哲迹
已邁今人心尙閒落葉滿衡門取琴爲我彈興到時獨往孤
雲相與還

陳中一首

外郎有介庵集
中字舜用莆田人永樂辛丑進士除戶部主事遷員

蘭陵詩話舜用才情敏贍嘗遊壺山真靜崖和盧希
韓詩疊韻二十卅鉢而就其詩如山迴瘴嶺椰煙白
路入蠻鄉荔雨晴黃鶴不來松樹老白雲已去洞門
閒雖苦吟者不能及也

金陵送林弘豫歸莆

觸熱纔聞過建康離亭何事又嚴裝家山久積南閩夢旅雁

愁分薊北行一騎斜陽槐影綠孤舟細雨藕花香念子未遂
林泉願歸思隨君繞故鄉

鄭述 一首

述字季述莆田人永樂辛丑進士除刑部主事出爲
惠州通判擢南雄知府

書懷寄王士俊

遙數歸期未有期天涯贏得鬢成絲宦情人已同雞肋野服
惟應稱鹿皮松菊久牽元亮興尊鱸虛動季鷹思何當散髮
烏山下遲爾林間擘荔枝

唐寅 一首

寅醴陵人永樂癸卯舉人授光山訓導遷岷府教授

乙籤卷十一

十四

漁村夕照

鷓鴣啼斷雨初晴渡口風來水氣腥溪北村南齊曬網釣船
閒在夕陽汀

俞山 一首

山字積之秀水人永樂癸卯舉人除崑山訓導正統
中改宜興遷廊府伴讀景帝踐阼進鴻臚寺左丞尋
進左少卿拜吏部侍郎進太子少傅以老乞歸有梅

莊集

題畫梅

望來絕勝董嬌嬈凍粉含香玉影搖十二樓頭明月滿不勝
清淚濕鮫綃

張楷 二首

楷字式之慈谿人永樂甲辰進士除御史出為陝西按察僉事遷副使擢都察院右僉都御史有和唐音

二十八卷和李杜詩十二卷

麓堂詩話楊文貞公精鑒識慎許可序張式之詩稱勗哉乎楷而已

野獲編正統十四年福建勦賊都御史張楷作除夕詩云靜夜深山動鼓聲生民何苦際斯時又云亂離何處覓屠蘇濁酒三杯也勝無又云庭院不須燒爆竹四山烽起照人紅為給事中王詔所劾罷去宣德中楷先為御史作詩以獻宣宗意欲求進罪之賴學士陳循力救而免至竟終以詩敗田按式之詩於永宣時不落下品惟和唐音和李杜不自量力遂貽捧心之誚

寄和州劉使君

與君十載成分手猶記沙頭倒玉瓶白首不離江上郡好山

乙籤卷十一

五

多在郭西亭海雲作雨兼天黑隴麥將春入望青料得高吟總清勝一尊何日為君聽

宮中詞

宮中楊柳戲青娥不見葳蕤舞鳳過怪底東風不相忌隔牆吹送落花多

明詩紀事

貴陽陳 田輯

乙籤

薛瑄 十六首

瑄字德蘊河津人永樂辛丑進士除御史正統初出
爲山東提學僉事進大理左少卿忤王振下獄論死
尋免景泰初起大理寺丞進南大理卿英宗復辟拜
禮部右侍郎兼翰林學士入閣預機務乞歸卒贈禮
部尚書成化初諡文清隆慶中從祀孔廟有河汾集
四庫總目明代醇儒薛瑄第一而其文章雅正具有典
型絕不以俚詞破格其詩如翫一齋之類亦間涉理
語而大致冲澹吐言天拔往往有陶韋之風蓋有德
有言瑄足當之

乙籤卷十二

一

藝苑卮言講學者動以詞藻爲雕鏤之技工文者則
以拙語爲談笑之資若鑿柄不相入無論也七言最
不易工吾姑舉諸公數聯如翼軫衆星朝北極岷岷
薛文清句也溪聲夢醒常多雨江過潯陽始上湖此
搔短髮孤鴻外病臥高樓細雨中千家小聚村村曠
萬里河流處處同殘書漢楚燈前壘小閣江山霧裏
詩化石未成猶有淚舞鸞雖在不驚塵出此莊孔鳴句
也竹林背水題將扁石筍穿沙坐欲看客處桃符
千箇汎浦春鷗白一雙時時竹几眠看客處桃符
寫似人竹徑旁通沽酒市桃花亂點釣魚船此陳公
甫句也何嘗不極其致
田按文清古體淡遠律體雄潤絕句極有風韻非一
時講聲律者所能及

宿山亭

首

山深郵舍孤入門晚色靜四顧足喬木蕭蕭北風勁向夕起
重扉窗戶倏已暝然松代秉燭明暗光靡定草草具杯酌何
暇梨果釘乃知山林趣足發遠遊興天明登前山清風滿蘿

逕

泊舟貽溪宿陽樓山下

草堂傍溪谷瀟灑無塵埃
隱几流水去開牖青山來
客情既虛靜遠目何曠哉
弭節得周覽外慮仍侵懷
村落日已暝山岷猶未回
念此不能寐遠抱殊難裁

蘭陵懷古

早發鄒子國午至蘭陵邑
蘭陵久已荒禾黍帶荆棘
惟有古寺存逕入林影密
老僧知我來出門遠候立
下馬問往事爲我指遺迹
蒼茫古城東墓有荀卿石
我欲往尋之還爲野水隔
憶昔周室卑蠻荆凌上國
茲邑乃荆疆人物殊烜赫
寂寞千載餘浮雲空古色
如何當日間重有逃讒責
只今文字存尙爲人指摘
鞭馬舍之去極目遠天碧

乙籤卷十二

二

七盤道中

曉度七盤山北行道彌惡
峭壁根虛無危棧架飛閣
飄飄風吹衣漠漠雲漲壑
下有黑龍江亂石何磊落
急瀨轉雷鼓奔湍散流沫
洄潭更陰沈俯視誠可愕
茲路屬再來卽事情已昨
艱險難具論惟與存顛末

送人之蜀

岷江瀉東溟岷山倚西極
江山古名秀楊君將此適
秋風送征帆夜火明水驛
相憶瑤華音看取東風翼

龍陽山行遇雨

巖晚山行深山中水重疊
叢篁夾溪橋橋斷橫槎接
陰雨竟

連朝雲林黯一色虛風忽冷然蕭蕭墜黃葉撫景復何爲
顧遠遊客

舟發城陵磯

急鼓催舟發依稀見岳陽遠波浮島嶼衆水合岷湘竹瓦居
人閣杉牌賈客房且看風景異未覺遠遊傷

題溪山佳趣圖

仙人騎鶴去已久猶有畫圖傳世間石林倒浸碧溪裏玉峯
秀出青雲端數椽茅屋鎮寥閔一葉扁舟常往還借問此中
何所樂萬事不羈山水閒

儀眞

東南水陸會眞州吳楚風雲控上游潮落瓜州遠渡出天連

乙籤卷十二

三

揚子大江流迎鑾鎮古名猶在解纜橋荒事已休多少繁華
成俯仰萬家楊柳不勝秋

歌風臺

故城南畔泗河隈漢祖歌風舊有臺樂飲一時酬父老壯心
千古憶雄才新豐桑柘蕭疏盡芒碭雲霞散漫開一自鼎湖
龍去後英魂幾復沛中來

陽武懷古

黃河南下是通津縣郭千年秋水濱兵結團城猶有漢車驚
溥浪已無秦黑陽山晚橫殘照清水潭乾起暮塵立馬幾回
思往事宰平誰識社中人

山水小景

湖水茫茫浪拍天春風湖上有人煙小樓半在花林內簾捲
青山看釣船

絕句

細雨纖纖草吐芽短牆茅屋是誰家春寒未有好情思忽見
幾株村杏花

徐州見黃河

我家正在龍門下流出黃河幾曲長忽向徐州城外見牽情
一水正思鄉

汾上春行

清汾信馬踏春酣汀草萋萋隴麥穠正是煖風嗁鳥日水村
花隴似江南

乙籤卷十二

四

鞏洛道中

嵩高雲氣晚嵯峨清洛西風咽逝波水色山光渾似舊宋家
陵墓夕陽多

吳與弼二首

與弼字子傳臨川人天順初以薦召見拜左春坊左
諭德辭不就有康齋集十二卷

四庫總目與弼出處之間物論頗有異同然其學能兼
採朱陸之長刻苦自立及門弟子陳獻章得其靜觀
涵養遂開白沙之宗胡居仁得其篤志立行遂啟餘
千之學其功未可盡沒其詩文亦皆淳實近理又不
得以其急於行道躁於求
名遂并其書而詆之也

秋晚

風來夜枕寒雲宿曉窗雨旅思共秋生遙思故山侶

門外閒坐

習靜生憎損病心晚涼門外獨橫琴呼童細剔溪頭樹為愛

青青雲際岑

陳獻章 十五首

獻章字公甫新會人正統丁卯舉人用薦授翰林檢

討萬厯初從祀孔廟追諡文恭有白沙集

麓堂詩話陳白沙詩極有聲韻匡山大忠祠曰天王舟楫浮南海大將旌旗什北風世亂英雄終死國時來胡虜亦成功身為左衽皆劉豫志復中原有謝公人眾勝天非一日西湖雲掩岳王宮內者皆不及餘詩亦有風致但所刻淨稿者未之擇耳升菴集陳白沙詩五言冲淡有陶靖節遺意然賞者少徒見其七言近體效簡齋康節之渣滓至於筋斗樣子打乖箇裡如禪家呵佛罵祖之語殆是傳燈錄偈子非詩也若其古詩之美何可掩哉然謬解者篇篇皆附於心學性理則是癡人談夢矣

乙籤卷十二

五

顧山詩話公甫自是禪學如午睡詩云道人本自畏炎炎一榻清風捲畫簾無奈華胥留不得起憑香几讀楞嚴又云天涯放逐渾閒是消得金剛一部經是也又有詩云是身如虛空樂矣生滅滅公甫禪學滿盤托出何曾如宋人所謂改頭換面者耶藝苑厄言陳公甫不甚攻詩出之若無意者徵近自然戲三昧公甫少不習詩不入法文不入體又皆不入命州山人續稿公甫詩不入法文不入體又皆不入題而其妙處有超出於法與體及題之外者余少學古殊不相契晚節始自會心偶然讀之或倦而躍然以醒不飲而陶然以醉不自知其所以然也夢蕉詩話陳獻章作詩脫略凡近其書法得之於心隨筆點畫自成一家廣東新語粵人以道為詩自白沙始白沙書晚年用茅筆奇氣千萬丈嶠刻槎枒自成一家

經鱷洲

夕舫凌大波北風吹我席冥冥鱷洲煙宛對君山碧來雁知天寒歸人看月色超超塵外心浩矣周八極

感劉琨與盧諶事

越石信英臣子諒亦文雅生遭晉運微奔走風塵下晉陽嘯
明月胡雛夜回馬并州因石勒從事爲別駕成敗非所論吾
憐鑿坏者

秋興

盛時不得意衰老徒傷悲志士曷爲爾載籍多見之翹首面
崑崙白龍有遺池振衣一千仞高咏秋風誰

贈謝德明有事赴廣還

月落五仙城天空一雁鳴離愁動江色歸纜解鐘聲鷺應船
謳起溪尋酒幔行經過不買醉貪嗅早梅馨

九日寄丁明府

乙籤卷十二

六

病裏登高意村邊社樹蒼有歡開酒禁無力控詩狂老鬢簪
花醜秋襟照水涼如何丁明府不肯共重陽

春日江村

草帶籬腰綠花簪石頂紅園林開畫景鶯燕語春風山靄霏
霏合江流渺渺東獨來橋畔路高拄過眉筇

中秋撥悶用舊韻

疏星圍碧玉秋氣正平分共持今夕酒又減去年人白髮來
千丈青山忽數墳年光付流水萬物信乾坤

偶憶夢中長鬢道士用一囊貯羅浮山遺子戲作示范

規

九節之筇手持兩年衰病負幽期香爐瀑布還匡阜碧水

丹山自武夷雞犬幾時同馭氣雲霄無日不支頤可憐一覺
羅浮夢不記長髯道士誰

晨起將出尋梅

朝煙橫野犢鳴陂索杖山齋睡起時田父喜留今日酒梅花
不欠去年詩衝寒索笑來何處帶病尋香出每遲彷彿西湖
夢中見水邊籬落忽橫枝

對酒

竹杪風輕瓦雀哀葛巾蕭散步階苔放懷自對溪花笑好事
誰撐酒舫來白髮驚看今日老青春剛到隔年回壯心被酒
如飛鶴又逐紅雲上玉臺

次韻張侍御叔亨至白沙

乙籤卷十二

七

生死遭逢未可知兩生名氏至今疑自陳多病甘爲退肯與
閒愁博得衰冷雨侵入呼酒數瘦藤扶杖看花遲繡衣未笑
茅根禿來請延陵十字碑

河橋柳色

廬阜清風長官宅渭城朝雨王維詩東西綠徧河橋路長與
離人照酒卮

黃別駕報世卿將來白沙

君去廬山幾度春君來不來桃花新花日喜逢黃別駕共對
廬山說故人

石門讀龔泉碑

芙蓉花發西華寺遠訪殘碑到石門一曲龔泉歌未了夕陽

紅近水西村

得廷實書

洗竹添花張戶曹忽拋閒散事煎熬東門春水無人釣又長
溪頭幾尺高

莊景 四首

景字孔陽江浦人成化丙戌進士改庶吉士授檢討
以諫謫桂陽州判遷南行人司副進禮部郎中天啟

初追諡文節有定山集

四庫總目景癖於講學故其文多闡太極圖之義其詩
亦全作擊壤集之體然如山隨病起青逾峻菊到秋
深瘦亦香土屋背膺烘野日午溪隨步領和風碧樹
可驚遊子夢黃花偏愛老人顏酒殘漫傾剛月上釣
絲繞颺覺風和錄之以備別格亦論唐詩者存寒山
子集之意也

乙籤卷十二

八

舊堂詩話莊定山未第時已有詩名苦思鍊鍊累日
不成一章如江穩得秋天露晞春停江上樹往往為
人傳誦晚年益豪縱出入規格如開闢以來元有此
蓬萊之外更無山之類陳公甫有日百練不如莊定

升菴集莊定山早有詩名詩集刻於生前淺學者相
與效其太極圈兒大先生帽子高以為奇絕又有絕
可笑者如贈我一壺陶清節還他兩首邵堯夫本不

是佳語有滑稽者改作外官答京宦捧腹詩定山贈
兩包陳福建還他一疋好南京者捧腹詩定山贈

年詩入細有可並唐人者古詩如題竹及養菴兩篇
七言如題玉川畫五言律如野暝孤樹江清著數

鷗與君真自厚不是兩相留芙蓉塵埋下界三千丈
上蓬萊第一重道人今夜宿芙蓉塵埋下界三千丈

月在西巖七十峯又秋夜宿芙蓉塵埋下界三千丈
二更北海風回帆腹飽長河霜冷岸痕高和沈仲律

原字韻心無牛口干秦穆迹繼龍頭愧邴原寄劉東
山云塵外有人占紫氣鏡中疑我尚朱顏次東橋詩

甘電懸雙眼疑秋水紫髮擁三花御野風又豈無湖
不獨為窮愁木昌道中云行客自許甘邱壑前席將無

記有家歸寄鄧五羊云後時自許甘邱壑前席將無

記有家歸寄鄧五羊云後時自許甘邱壑前席將無

問鬼神浮世虛名非得已出山小草卻悲人別時笑語風吹斷會處迷離夢寫真此數首若隱其姓名以示人觀者決不謂定山作也
藝苑卮言莊孔陽佳處不必言惡處如村巫降神里老罵坐

靈巖山逢大虛僧

雲水秋江與別蹤三年不見意何窮誰知小榻青燈裏又是寒巖白髮中坐久可忘今夜月夢回誰喚北堂鐘相逢更有梅花約留取他年一笑同

遊平湖南寺

緣陰撐入傍湖州水作清深樹作幽是畫不知還是寺晚峯斜日更登樓

次韻升卿弟

乙籤卷十二

九

七尺自臨潭底影一瓢不聒樹頭風安心了了無言說興味都歸半醉中

往年寄無錫秦方伯有定山泉亦龍山好卻愛香茶兩並寺僧之句因與慈溪孤鶴翁誦之不勝有懷更作一

詩餘詩寄

公在龍山我定山尋僧兩寺一般閒三年記得詩僧去不見梅花一句還

靈巖山發大虛僧

蘇武武言其其朝遊雲不心言惡刻賊林並對極星示人點者其不謂定山作也
福屬則越會換世輪迴高真此燈首善靈地投石以問其術若世道吾非將巨出山下草齊林人眼即定

乙籤

瞿佑 十三首

佑字宗吉錢塘人洪武中以薦歷仁和臨安宜陽訓導遷周府長史永樂間謫戍保安洪熙時赦還有存

齋樂全集香臺百詠

詩談錢塘瞿宗吉組織工麗其溫飛卿之流乎田汝成西湖遊覽志餘瞿宗吉風情麗逸見之詩篇者往往有歌扇舞袖之興志獨不錄其詞而白蘇誠然也夏時正修杭州府志獨不錄其詞而白蘇楊蔭偃紅倚翠之篇悉皆哀採豈非貴耳而賤目哉錢塘陳崑子肅者喜遊俠為奇俊語宗吉甚奇之嘗春日遊湖有句云茜紅女兒歌白紵墨黑燕子來鳥衣後商於閩中盤桓妓館賦詩云青銅三百一斗酒

乙籤卷十三

荔枝十八誰家娘逾一歲而卒年二十三云宗吉作念奴嬌詞悼之曰海山何處嘆人間別有芙蓉城闕霧閣雲窗深幾許獨駕青驄超越香靄雲屏被翻錦浪笑捧龍綃深鏡鸞舞罷半簾燈影明滅誰信一飲瓊漿玉山自倒魂逐驚鴻沒瘴雨蠻煙歸夢斷愁滿晚何人共採薇蕨歸田詩話元遺山編唐鼓吹專取七言律詩郝天挺為之註世皆傳誦少日效其制取宋金元三朝名人所作得一千二百首分為十二卷號鼓吹體見遺風八句題其後云騷選亡來雅道窮功此去未應無伯樂後來當復有楊雄吟窗玩味韋編絕舉世宗唐恐未公既成求觀者眾轉相傳借或有嫉之者藏匿其半因洗視新錄世不存再欲哀集或復是心矣姜南洗視新錄世不存再欲哀集或復是心矣說古今小說以覓衣食方最多京師特盛南京杭州亦有之嘗讀瞿存齋過汴梁一律云歌舞樓臺事可誇昔年曾此擅豪華尚餘良嶽排蒼昊那得神霄隔紫霞廢苑草荒堪牧馬長溝柳老不葺蓋陌頭宵女無愁恨能撥琵琶說趙家觀此則自葺蓋陌頭宵田叔宗吉才華爛漫詠古之作最為警策若徒賞其

安樂美人行美人畫眉歌及漫興書生歎諸篇鮮不
爲才人之累矣

故宮人

金輪夜半北方起炎精未墜光先死青衣去作行酒人泥馬
來爲失鄉鬼江頭宮殿列噴舂湖上笙歌樂宴安魚羹自從
五嫂乞殘酒卻笑儒生酸格天閣上燒銀燭申王計就斬王
逐累世內禪諱言兵中興之功罪難贖開邊釁動終倒戈師
臣函首去求和木綿庵下新鬼哭誤國重逢賈八哥琉璃作
花禁珠翠上馬裙輕淚粧媚朔風吹塵笳鼓鳴天目山崩海
潮避往事興亡誰與論亭亭白塔鎮愁魂惟有棲霞嶺頭樹
至今猶說岳王墳

折花怨

乙籤卷十三

二

雙雙蝴蝶翻金粉風裏流鶯棲未穩銀瓶吸水漾漣漪下階
自揀珊瑚枝雖然得入華堂裏未必春光願如此樹頭花落
還結子瓶內明朝抱香死東風一樣發陽和豈知中道有蹉
跎人生輕出棄根本失枝落節將奈何

舊鏡嘆

美人在時對鏡粧美人去後鏡無光玉臺零落白鳳凰錦衣
拋擲紅鴛鴦夜深暗借聞鏡語何不持挂墮頭樹新人新鏡
自相宜舊物荒涼無所依

古塚行

白楊風送棠梨雨寒食原頭哭偃鬼馬醫夏畦有子孫歲歲
猶能來作主孤墳三尺掩黃沙多年白骨久無家妖狐穿穴

狡兔伏樹死枝枯
嗚老鴉斷碑仆
地土花碧當日爭揮諛墓
筆文字摧殘讀不成
牧兒占作攤錢石

春日卽事

晴日暉暉轉綠蘋
東風應候物華新
歸來燕子已知社
開到海棠方是春
淺碧平添湖面水
輕紅浮動馬蹏塵
杜陵野老雖貧困
援筆猶能賦麗人

夏晚納涼

竹床藤簟晚涼天
卧看星河小院偏
雲影恰如衣暫薄
月華那得扇長圓
清泉冷浸冰盤果
嘉樹香籠寶篆煙
想是高樓風更爽
玉人閑按十三絃

清明卽事

乙籤卷十三

三

風落梨花雪滿庭
今年又是一清明
游絲到地終無意
芳草連天若有情
滿院曉煙聞燕語
半窗晴日聽鶯聲
誰家院人隔綠楊
聽笑聲

伍胥廟

一過叢祠淚滿襟
英雄自古少知音
江邊敵國方嘗膽
臺上佳人正捧心
入郢共知讐已雪
沼吳誰識恨尤深
素車白馬終何益
不及陶朱像鑄金

題和靖墓

詩落人間有墓存
誰歌楚些爲招魂
愁連芳草春無迹
吟斷梅花月有痕
華表柱存遼鶴返
少微光賈楚天昏
生芻一束人如玉
想像高風醉酒尊

阿嬌金屋

咫尺長門有別離君心甯記主家時黃金作屋成何事只辦相如買賦資

朝雲誦偈

春樹紅顏一擲梭六如偈裏暗消磨主翁不惜榮華過一笑重逢春夢婆

師師檀板

千金一曲擅歌場曾把新腔動帝王老大可憐人事改縷衣檀板過湖湘

看潮詞二首

嘉會門邊翠柳垂海仙橋上赤欄欹行人指點山前石曾刻

乙籤卷十三

四

先朝御製詩

一線初看出海遲司封祠下立多時須臾金鼓連天震忙殺中流踏浪兒

十金

西湖遊覽志餘郡人觀潮自八月十一日為始至十八日最盛蓋因宋時以是日教閱水軍故傾城往看至今猶以十八日為名非謂江潮特大於是日也是日郡守以牲醴致際於潮里而郡人士女雲集傲侍幕次羅綺塞途上下十餘里間地無寸隙伺潮上海門則洩兒數十執綵旗樹畫傘踏浪翻濤騰躍百變以誇技能豪民富客爭賞財物瞿宗吉看潮詞須臾金鼓連天震忙殺中流踏浪兒紀其事也

鄧林二首

林初名彝字士齊一字觀善新會人洪武丙子舉人

授貴縣教諭永樂中改南昌教授擢吏部主事宣德

中坐法戍保安遇赦晚居杭州有湖山遊詠錄退菴

保安留別傅存齋

兩鬢西風吹斷蓬杖藜扶病看秋容菊花渾似詩人瘦山色
不如歸興濃紫塞一杯桑落酒彤庭五夜景陽鐘燕鴻岐路
東西去此後相思意萬重

題山水畫送人歸羊城

數椽茅屋鎖煙霞君住蒼巖第幾家賣藥修琴歸去晚東風
開徧碧桃花

平顯 十八首

顯字仲微錢塘人以薦授藤縣知縣謫戍雲南晚授
校官有松雨軒集八卷

乙籤卷十三

五

田按仲微謫濱沐黔國為脫伍籍延之幕府晚以校
官歸沐景鵬錄其詩入滄海遺珠選家據此採錄其
全集則未之見也余所得松雨軒集八卷乃鮑氏知
不足齋本首有張宗海序稱其歌詩變怪豪放良非
虛語

梨園載酒

柳絲鎖綠鴛巢煖梨雲壓夢更籌短春入滇南早幾分鱗屋
參差沸絃管催花小雨風不顛洗粧欲過城西園翩翩飛蓋
散霞綺青驄馱酒雙連錢白霓拖光挂桂林樾縞練翻空炫晴
雪恍然似泛山陰船十里清溪弄明月冶桃穠杏非不紅解
與兒女爭嬌容冰蕤昨夜裏香露玉肌淨洗鉛華空玉案峯
頭夕陽墮醉帽欹斜千百朵溶溶月色始歸來將軍未上城
門鎖及時行樂與眾同邊候不驚年長豐莫待平原草如翦

惆悵飄香曲水中

題萬松樓閣玩月圖

萬松樓閣參天起，學翠開窗瞰江水。風捲秋聲落怒濤，一片
銀山月明裏。宋都一百五十年，頽基故址遺荒煙。飛龍舞鳳
氣消歇，寒潮日夕空迴旋。我家住在西湖北，幾度登臨弔陳
迹。掃雲高枕斲苓鏡，相約山僧臥秋色。房山老子天機精，誰
家樓頭坐月明。此時興發復不淺，寫詩作畫能雙清。披圖卻
在萬里外，白首神馳久吁怪。何當便買下瀟船，歸踏濃陰聽
竽籟。

題唐子華畫

芙蓉削翠幾千仞，雲氣蒼鬱藏飛樓。沃州天姥宛相似，恍然

乙籤卷十三

六

欲作凌空遊羸驂之子邁，何處赤腳長鬚沾酒去。數椽茅屋
老斜陽，一壑秋聲在深樹。杖藜昔步仲谿頭，隔林問魚雙釣
舟。肥鰯縮項強一尺，折柳貫之聽棹謳。吳興意匠鵝溪絹，風
景依稀夢中見。白頭未往神獨歸，洗硯題詩淚如霰。

三茅歸養圖爲句曲鄒公勉題

三茅之山神仙所，居虎龍餘氣磅礴爲區。遂古鴻濛老鼓鞀，
造化鑪六丁運。飄輪鑄劍如昆吾，紫霞蕩射赤螭螭。平地亂
壘青珊瑚，鄒林之下鄒公宅。兩翁顏童顛雪白，人傳千年葛
綠華。來嬪洗髓浮邱伯，夜半虛空聞打麥。雙崖響應裂如擘，
山中宰相脫塵去。服食至今皆琥珀，青童舞力倦戲浴碧井。
丹罡風天上寒吹墮，點蒼山琳宮絳闕不可攀。濯足洱水波

濤間茅君白鶴飛鸚鵡借招一隻騎之還兩翁顧而笑扶攜
陟瑤壇玉杯九醞零露溥海藤作杖如琅玕按歌綠雲璫俯
仰八極寒青邱弱水東漫漫若木倒景搖三韓素娥纖手折
庭桂一枝贈出爛銀盤

聞仲容弟居橫里

令弟謀生亦有涯橫溪移屋就魚蝦藕花官漾十三里桑蔭
鄰村百數家颺字帘風誇魯酒賣絲船雨避吳娃白頭兩地
遙相憶夢遶脊合原上沙

和張真居詩韻爲陳景中作

石屋雲蒸菌亦斑菌巢人已隔立關當年興動開陽室五月
詩成浴鴿灣灰死鼎爐餘藥冷塵生窗戶落花閒神交故舊

乙籤卷十三

七

應同否知在蓬萊第幾山

寄天佑

圓通長老入獅子能外形骸似大顛手種松秧今幾尺吟成
詩句已三立未丹雛鶴巢中伏不雨神蛟洞底眠萬里書來
慰岑寂開緘宛若對深禪

寄題李得全池亭

池亭春色浩無涯看到高秋次第花隔竹日聲烹紫茗出林
丹火轉黃芽閒驚鶴夢敲楸玉坐曳魚羹傍釣車遲我重來
分十詠好占庭樹鵲楂楂

安眠軒卷

金壺偶酒浮提汁一落人間又幾年白鶴瑤笙聲已遠蒼蛟

銀榜勢猶騫親王翰墨千鈞力長史文章百世傳他日載書歸皓首錦囊光采照青田

贈王克佐歸杜瀆

巾子峯頭月正秋觀光歸繫柳塘舟故園松菊存三徑上國衣冠快一遊靜著醫方爲祕要穩敲詩句入冥搜阿咸況是青雲器早晚除書報竹樓

宿仲徵弟家

楊柳風高散碧絲踏湖初上晚涼時塵埃迹遠清無暑山水情深快有詩蓬首百年同氣客荆花千里故園枝新秋小圃多生意菱芡菱荷已滿池

贈蔡彥吉

乙籤卷十三

八

仙客騎鯨下葛灣白頭塵迹幸相攀詩留翠壑蒼崖上名在丹臺紫府間風柳不波葦正滑雪籬將凍菊猶斑洞眞觀裏桃開日尙欲重來問大還

寄無垢垵公

爲愛招提無垢氛暝隨歸鳥到前村柳陰孤艇入港汊竹裏一燈明寺門曾見海枯僧白首苦縈塵慮客黃昏所懷所蘊不傾倒落月使人牽夢魂

謝孫德齋惠茶

謾誇龍井靈芽好爭及鶴山天味眞一夜蟄蟲蘇厚土萬槍香翠茁先春惠占館下羣公子詩謝江南老道人清吸銀瓶聽松雨不勞躬拾墮巢薪

題黃鶴山人王叔明畫

我昔見之湖上居當門萬朵翠芙蓉承平公子有故態文敏
外孫多異書閒吮彩毫消白日夢騎黃鶴上清虛此圖定倚
吳山閣醉點南屏春雨餘

謝毡衫

新染滇波色未乾毳茸香絮煖成團行春不濕杏花雨踏雪
可衝驢背寒捲霧遠來天萬里壓風高卧日三竿客來坐席
眞温厚獨愧才名亞冷官

題扇寄滇南

林泉有約共投閒歸伴先生放白鷗昨夜夢魂清化鶴戛然
鳴到碧雞山

琵琶士女

斜蹙金蓮小鳳頭紫檀香煖弄纖柔此心舒卷同蕉葉祇恐
西風不耐秋

乙籤卷十三

九

郭文二首

文字仲炳昆明人

丹銘總錄滇中詩人永樂間稱平居陳郭郭名文號
舟屋其詩有唐風三子遠不及也如竹枝詞云金馬
何曾半步行碧雞那解五更鳴儂家夫婿久離別恰
似兩山空得名又登碧雞山太華寺一聯云湖勢欲
浮雙塔去山形如擁五華來一時閩筆信佳句也但
全篇未稱耳其全集子嘗見之如二詩者亦僅有也
靜志居詩詩舟屋竹枝詞顧仲瑛編入玉山雅集則
是詩元季已流播矣用修稱是永樂間人其集既不
可得無由臆決偶閱柯暹東岡集附錄滇南別意詩
則平居陳郭四人之作皆存焉平名宣武林人居名
廣海昌人陳名謙吳人東岡跋云郭居皆武士中賢
者郭善詩文征南將軍都督沐繼軒璘師之居精吏

事總府辟掌簿書數十年得官陳官鎮撫有詩名宜則松雨先生子也黔府西塾薦升廣東通判所云松雨先生者知藤縣事顯字仲微考東岡引元時撰竹景泰二年七月別意詩卽是年之作郭於元時撰竹疑竹枝非集中詩玉山雅集所載當見其全集竊滇南詩畧郭舟屋中不見一日揮去侍從攜小童沐璘聞而造之避蘆中不見一日揮去侍從攜小童幅巾斗酒彩栢物色相與論詩文訂交

登太華蘭若

夕陽滿秋山餘景落溟水捨舟事幽討路入泉聲裏風傳隔寺鐘葉響登山履嗟我久紅塵遊賞從茲始

常州旅宿

隄邊流水高於城搖搖孤艇如空行欲晴未晴小雨外斷虹落日爭鮮明峨峨塔勢遠漢隱隱雁行斜墮汀遊人夜向

乙籤卷十三

十

酒樓宿月明風冷吳歌清

唐文鳳 三首

文鳳字子儀歛人桂芳子永樂中以薦授興國知縣改趙府紀善有梧岡集

四庫總目文鳳詩文豐縟深厚刊落浮華能不失其家法

田按紀善詩骨幹老蒼如豫章凌雲非復尋常近賞

題李營邱枯木圖

營邱枯木天下無筆端造化何榮枯想當磅礴欲晝際天爲逐興神爲驅鄧林已化防風骨滄海仁出珊瑚株長材何異徂徠產大用不值明堂需自憐形質赦斤斧豈嘆薪爨供樵蘇萬牛回首力未許獨匠指顧心難圖空遺偃蹇蔽村野白

石鑿鑿泉鳴枯梢似挂瘦蛇影亂葉恍茁乖龍鬚只今廊
廟重締構梗杙杞梓當貯儲接圖工師儻所取意營目盼增
嗟吁

上東門行

上東門在何所河陽城南瀝水滸舊時繁華今已空惟有當
年一坏土聞說漢家全盛秋門前列第皆王侯朱輪翠轂日
來往凝笳疊鼓長喧嗽畫棟雕檐接宮觀十里香塵飛不斷
天上頻頒丹詔下民間屢免田租半白髮老人不識兵閭閻
小兒歌太平鬪雞走馬尋常事豈有紛紛愁嘆聲乞歸二傅
章初上曾此公卿盛供帳道旁觀者如雲屯雜綵從車凡幾
輛韶華轉眼流星過倏忽荆棘埋銅駝逢萌挂冠固已矣石
勒倚嘯將如何往事傷心難自保惆悵東門不能道君不見
北邙山頭四五陵玉匣珠襦委荒草

白霑港

晚泊豁吟緒行行步渚沙雨添新柳耳水減嫩蒲芽烏鬼來
漁艇青蚨付酒家微風吹短褐倚杖數歸鴉

陳亢宗

二首

亢宗名宗以字行永嘉人兵部員外郎

賜午門觀燈應制

二首

鼇峯千仞鬱嵯峨萬蠟融春洽太和明月只隨仙仗轉紅雲
偏近御筵多旌旄影颺黃金闕絲竹聲翻白雪歌萬歲三呼
頻祝頌醉歸數問夜如何

白玉仙京上帝家六龍遙駕五雲車巨鼇此夕移三鳥火樹
迎春吐萬花水咽宮壺留夜色懽騰黎庶樂年華承恩盡醉
歸來晚一派鈞天隔彩霞

靜志居詩話唐人謀集賦詩每推一人擅場如昇平
公主席上李端擅場送王陵鎮幽朔韓翃擅場劉相
巡江淮錢起擅場他未暇悉數永樂中命翰林賦白
象則胡庶子廣第一賦神龜則王贊善汝玉第一午
門觀燈則陳員
外元宗第一

陳景融 一首

景融字菊逸嘉興人雷子

次飲酒懷古韻答張子英

日月不我與光陰年復年不知千載後孰識千載前死生固
虛誕彭殤亦徒然浩歌且復飲賦命存乎天

乙籤卷十三

三

鮑仁濟 一首

仁濟字原弘黃巖人洪武中除樂清訓導永樂初遷
伊府紀善有怨庵集

絕句

涉水采芙蓉江空曉雲濕脈脈無一言獨背西風立

李進 二首

進字孟昭嘉興人永樂初聘爲府學訓導有西園先

生集

姜南墨 奮錢鑄李
孟昭詩 醜藉可愛

題豐樂樓圖

錢唐城郭帝王州勝概千年尙有樓南浦雲開朱箔曉西山

雨歇畫欄秋玉人歌舞成春夢芳草王孫非舊遊物換星移
遺跡在蕭條殘墨不勝愁

春暮有懷李孟璿

煖煙無力度鄰牆風裊遊絲拂地長深院獨眠淹病酒袷羅
初試淺薰香新巢燕子來如約未謝梨花待洗粧綠草滿池
春欲去幾隨詩夢到君傍

錢遜一首

遜字謙伯紹興山陰人洪武末以薦授甯夏提舉水
利吏目永樂初遷孟津知縣改弋陽坐累戍交趾復
官文昌主簿有謙齋集二十卷

胡人醉歸曲

乙籤卷十三

三

貂帽錦靴明繡衣調鷹射虎捷如飛紫髯寒作蝟毛磔碧眼
夜看霜月輝箏篋聲中傳漢曲琵琶帳底醉明妃更深宴罷
穹廬雪亂擁旌旄馬上歸

張振一首

振字孟起海鹽人宣德間官重慶知府

南屏山房

插天青壁障湖南結屋何愁地主嫌綠樹交陰連古剎白雲
移影落虛檐源頭引水惟劔竹門裏看山只捲簾更傍東籬
閒採菊悠然相對卽陶潛

錢暉一首

暉字允輝嘗熟人浙江都司經歷有避菴集

過江

篷底茶香午夢醒
大江風急正揚舲
浪花作雨汀煙濕
沙鳥迎人水氣腥
三國舊愁春草碧
六朝遺恨晚山青
不知別後東湖上
誰愛菱歌倚棹聽

一作張東海詩

贈澄江周岐鳳

琴劍飄零西復東
舊遊清興幾人同
一身作客如張儉
四海何人是孔融
野寺鶯花春對酒
河橋風雨夜推篷
機心盡付東流水
惟有家山在夢中

麓堂詩話周岐鳳多藝能坐事亡命扁舟野泊錢陲投之以詩云云岐鳳得詩為之大慟江南人至今傳之

余吉祥一首

乙籤卷十三

古

吉祥字大昌黃巖人永樂中官禮部主事

題蕭翼賺蘭亭圖

江右風流數王謝
右軍詞翰尤瀟灑
當時已重東山公
況乃遺流百年下
暮春之初天氣新
蘭亭觴詠無雜賓
乘歡紀事興不淺
行草半兼書
入神要將翰墨貽
孫子百本再書那得似
辨才祕此亦癡絕
蕭郎得之何太詭
龍顏日角眞天人
把玩一笑生陽春
太平正須堯舜治
底用曲藝勞其神
虎卧龍跳固莫比
區區玉匣猶殉死
眞蹟終翻定武碑
墨本至今存有幾
畫師貌得蕭郎事
寂寞曩曩殊失意
卷圖得失兩茫然
對客且談貞觀治

袁鑑一首

鑑字伯時上虞人官太湖尉

曉出西郭

路入山陰道蒼茫雲水連青山環曉堞綠草帶晴川楊柳人家屋蒹葭水檻船相過感疇昔回首意茫然

吳鎮 二首

鎮字稽陽吳江人

寄徐汝成先生

落日停橈采白蘋空將遠意問行人音塵杳杳三千里芳草萋萋又一春每向詩中成晤語還於夢裏得相親燕山明月吳江水照見飄蕭鶴髮新

送人還新安

乙籤卷十三

五

津亭芳草碧萋萋人立東風酒半酣萬點落花舟一葉載將春色到江南

羅紘 一首

紘字孟維紹興山陰人有蘭坡集十二卷

田按孟維博學修行及門之士著名者張璪輩二十餘人子周孫碩皆能詩

題畫

入山採靈藥山深愁日短空林獨自行木客時爲伴朮肥晨露滋芝潤春泥煖荷鋤暮歸遲前溪白雲滿

明詩紀事

貴陽陳 田輯

乙籤

劉績 十一首

續字孟熙紹興山陰人渙子有集

國雅孟熙會稽名家才思雄健長歌頗放誕如馬嘶秋草濶鵬落暮雲平野雪消不盡春江流正深屬興豪華非鄙促語

田按會稽三劉稱詩孟熙最爲傑出隱居不仕人稱西江先生

去婦詞

去婦兩眼淚爲君滴平生一滴致妾意再滴感君情三滴眼欲枯血點淋香纓不滴堂前花死株有時榮不滴階畔草苦

乙籤卷十四

一

心展芳萌請滴橋下水長煎嗚咽聲

大隄曲

春風起大隄歷亂樓前柳樓頭多女兒解勸襄陽酒襄陽估客足黃金百千爭買女兒心茱萸帳薄燈光透翡翠衾重蘭氣深蘭氣未消燈未滅合歡交縮丁香結良霄一刻惜如金黃金易擲情難歇前船南商去後船北商來不知妝鏡匣今夕爲誰開

題宋院人畫着苔梅

濃露洗花骨苑空勞勞春綠鬪疊仙帔粉姿疑笑人畫屏昏幽夢夜苦香不歇楚竹裂鳳膺恨魄如懸珠

王山農畫梅歌

玄冥凍律疑陰谷山魅幽幽弔僵木誰卷鮫機一尺煙鋸刀
碎刻藍田玉博羅仙人調小鳳瓦冷霜華不成夢火薰金鴨
蘭氣溫鏤窗斜月淡幽痕

帆山夕照送顧大往遼海

落景石帆秋餘紅挂樹頭斜憎樵笛送遲賴估檣留魄落光
猶閃帆遙綵漸收依依映旌旆遠過城西樓

題二姝撫嬰圖

休織流黃罷養蠶桃根桃葉並清酣龍綃卻暑肌香膩蟬翼
凌風鬢影鬢常恨畫中題豈楚誰教窗下種宜男螽斯合備
房中樂見說如今化已覃

古築城詞

乙籤卷十四

力限秦與胡築城爲疆界那知楚漢兵不在長城外

書扇

家遠綠川長回舟菡萏香緩聲歌白芷明月墮橫塘

憶原上人

一兩棕鞋八尺藤廣陵行徧又金陵不知竹雨松風夜吟對

秋山那寺燈

聽胡琴

胡絃輕軋語星星破入甘州便淚零一種尊前沈醉客解聽
爭似不曾聽

李迪畫蘆雁

遠別胡天趁稻梁秋風吹斷不成行夜深獨宿江南渚夢怯

黃蘆葉上霜

偶桓 六首

桓字武孟太倉衛人洪武中以薦為崇安從事授桂

林河泊大使永樂中終荆門州吏目有江雨軒稿醉

吟錄鳳臺吟嘯集

姑蘇志武孟少嘗接識楊維禎倪瓚瓚謂其詩有超

乘挽纜之力日升川至之漸

梅花草堂集偶武孟落拓嗜酒喜吟咏年八十二卒

嘗自作挽詩云堪憐八十白頭翁自笑生前萬事慵

北闕薦賢雖有剡南村作守竟無功歛詩不愧詩才

拙嗜酒惟愁酒盞空留得五湖風月在浪遊誰復繼

遺踪著江雨集遊秣陵雅慕醉吟先生之為人又作

醉吟錄行於世

錢大昕十駕齋養新錄江雨軒稿八卷自題義陽偶

桓武孟按太倉志偶桓字武孟少嘗接識楊維禎倪

瓚瓚稱之洪武二十四年應秀才舉為崇安從事

授廣西桂林河泊大使終荆門州吏目致仕歸還淮

南故人蔣文用卽隨入京僑居建安坊下放情腸詠

久之乃還卒年八十二家桃源涇者卽茜涇也明初茜

厓牛又號海翁志所云桃源涇者卽茜涇也明初茜

涇尚屬崑山縣故黃容敘其集稱為崑山偶武孟也

其辛卯立春日試筆云野老年七十三武孟也

生於元順帝至元五年己卯其卒當在明永樂十八

乙籤卷十四

三

年庚子矣武孟有自題桃花書屋詩卷詩云野翁家

住桃源曲手種桃花結書屋太平老作葛天民自喜

無榮亦無辱又有元夕寫興寄茜上諸友詩序所藏

乃葉文莊菜竹堂鈔本前有與宣陽關詩序

田按偶武孟選元人及明初詩題曰乾坤清氣錢塘

金弘選元江雨軒稿世不多見子檢陸文量菽園雜

江集武孟工部時葉文莊公為禮部侍郎嘗欲取

記崑元末觀政工部時葉文莊公為禮部侍郎嘗欲取

文不出十篇名曰崑山片玉以傳命子採集之若郭

翼義仲林外野言殷奎孝章強齋集袁華子英耕學

稿易恆八成泗園集呂誠敬夫來鶴軒集朱德潤澤

磨公振淞南漁唱屈仲鏞松谷集沈丙南叔白雲集馬

堂集鄭文康時父平橋稿偶桓武孟江雨軒集之類

不久子除南京吏部主事恐致遺失俱以送還鄉先

輩之美竟泯泯矣錢竹汀江雨軒集跋云得自紫竹堂鈔本當卽文量所見者也明史藝文志四庫提要均未著錄安得好事者爲物色而甄錄之

題李道衡畫

昔從金焦赴江夏隨路看山如看畫蘭船久泊琵琶亭徘徊獨向匡廬下眼空九疊芙蓉屏紫煙燄奪香爐青秀色無端豈能攬胸次直欲吞崢嶸卻笑不如謝康樂陟峻探奇恣盤薄回首十年如夢醒豈得無情戀邱壑如今見畫如見山豁然洗我塵土顏丹崖翠巘樓觀神遊窈窕難躋攀盤盤磴道凌雲起有客攜筇領童子拄杖過橋無垢氛行處流霞黏步履瀑流一派懸絕壁下噴風雷幾千尺樵兒赴薪爭渡溪白石青泉相蕩激怪松倚澗騰虬龍支撐日月摩蒼穹茯苓琥珀出其下采掇恐有高山翁老夫本有山水癖一落人寰頭已白欲卜幽棲恨未能對此長歌空嘆息

歲暮

忽忽歲云暮朔風吹客衣卻因鄉井近轉覺信音稀山響颺颺嘯江空鶴鶴飛百年渾潦倒底事未能歸

清真觀

殿閣峨峨轉夕暉放生池上客來稀應知羽士登真去獨見山童汲澗歸雲冷松巢空鶴驚雨荒丹竈長苔衣野人素有煙霞癖欲向玄關共息機

題唐人馬圖

內廡多龍馬奚官晚更調獨矜紅叱撥老氣壓天驕

王孟端墨竹

龍香細細霜藤滑寫出瀟湘碧玉枝傾耳風簾明月夜飛瓊
何處弄參差

懷友次陳石泉韻

楓林葉赤露華濃來往晴沙一逕遙遙望美人秋水隔蘋花

吹老楚江風

郭塵

塵字敬夫福州人有鏡湖清唱

石倉歷代詩選徐與公云國初吾郡詩人輩出十子而外復有二十餘家郭敬夫湮沒二百餘年無有知者子近得鈔本詩百十篇敬夫青鋪嶺絕句云家林想在空中濛外一帶螺江隱翠微又有門前湖白與山青分攜空過白湖亭之句其所居當在白湖螺浦之間與鳴秋山人相鄰並也

乙籤卷十四

五

暉上人獨坐亭

石逕通幽境岩亭古木深禪扉生晚翠羅幌挂秋陰止水空

中興孤雲物外心澹然無一事殘月下東林

士琛家宴歸賦以贈之

我愛南湖客清風兩鬢絲久聞陶令趣長與遠公期醉倚花

前石行吟竹外池葛巾仍不著日日挂東籬

施敬

敬字孟莊錢唐人謫居滇

田按孟莊謫滇南征途中寄錢唐親友云萬里移家入瘴煙故鄉音耗若為傳衡陽自古無來雁況去衡陽路入于沐景願錄其詩入滄海遺珠

寄伯瞻

別後悠悠渺所思使來渾不寄新詩雲林一去無多地風雨
相違又許時茅苔綠深江路草枇杷黃盡客窗枝多情惟有
西齋月曾照清宵醉酒卮
劉人以酒自國子學選自此酒
沙津送客登望江亭
一人有別

沙市津頭送歸客西風江樹數蟬鳴夕陽靄靄眾山暝秋水
迢迢雙鷺明蔓草已蕪王粲宅亂雲長繞呂蒙營登臨不是
攜尊酒若箇能平慷慨情

秋塘曲
去去蘇山寺

蓮謝秋塘晚風來野水香采蓮休采葉留蓋睡鴛鴦

漁人

浪迹煙波薄名利釣舟長傍酒家橫白魚青菜桃花飯不識

乙籤卷十四

六

憂愁過一生

鄭嘉一首

嘉字原亨紹興山陰人有柳莊集

送辰長老住橫山寺

紫檀煙靄鶴迴翔清磬泠泠出上方岩畔異花薰講席澗邊
修竹護禪房東林結社蓮新種南岳分春茗乍香三伏炎蒸
應不到綠蘿風洒石潭涼

毛鉉一首

鉉字鼎臣紹興山陰人以薦官國子學錄有北郭集

田按鼎臣以詩名與唐之高劉續蔡庸稱唐劉毛蔡
詩品略相似

剡溪霽雪送原上人
去無

積雪蔽招提虛室夜生白開門不見人鳥棲山正寂疏星帶
長汀澹月照幽壁此境足安禪何爲迷所適

蔡庸 一首

庸字惟中紹興山陰人有庸菴集

輓憲上人

舊禪棲古越旅櫬隔新亭社散蓮猶白吟餘草自青鳥迷行
道路蛙產灌畦瓶聽絕晨參磬寥寥入杳冥

李助 一首

助字文勉紹興山陰人

田按文勉性不羈好與文士遊鄉先生劉績王誼鄭嘉謂曰爾欲與我輩遊須讀書乃可感悟力學成名時人稱劉

李

七

爲李公子悼妾

珠沈碧海玉沈淵空向芳春憶舊年鳳管已停花底奏鸞牋
猶記月中聯珊瑚淚暗新遺枕玳瑁塵生舊舞筵一自楚天
雲雨散酒醒無奈夢嬋娟

張璪 一首

璪字蘊之岷人有駉齋集二十卷

姜南洗硯新錄宋徽宗善圖繪多畫翎毛今人家往往收之間有近代名人題詠其上或譏之或惜之如忠勤伯汪公廣洋雙鴛圖云蘆葉青青水滿塘文鴛晴卧落花香不因羌管驚飛起三十六宮春夢長釋子來復喜鵲圖云黃沙風急蒺藜秋回首中原淚暗流誤聽當時靈鵲語誰知舊喜是新愁釋宗泐小鵲圖詩云落日黃塵五國城中原回首幾含情已無過雁傳家信獨有松枝喜鵲鳴又雪江獨棹云良嶽似深百卉腓胡塵吹滿袞龍衣淒涼五國城邊路得似寒江獨棹歸周仲方雙燕圖云江南簾幕重重雨良

紫虛觀

嶽河山處處花兩地舊巢傾覆盡西風萬里入誰家
張璠畫蘭云御墨淋漓萬里青城似武陵
明一種湘纍怨萬里青城似武陵
田按蘓之詩襲温李遺派律體較邈無襲續之痕

紫峯壇上鶴成羣碧洞靈芝長石根雲引晝陰歸竹隴水流
春色出花源藥爐伏火仙留訣茶竈生煙客到門欲就上清
傳寶籙未知何日謝塵喧

朱純一首

純字克粹紹興山陰人有淘鉛驢背自怡等集

姜南醉經堂舖糟編山陰朱克粹詠游絲一律云紫
陌遙看一縷微龍煙曳日轉依依不綠蛛網縈鈿合
首逐鸞梭上錦機香逐落花低趁蝶煖隨柔絮欲沾
衣無由繫得東君駕空向春風上下飛尿物之作不
減前人韻格也
田按克粹與羅頤張景輩結鑑湖詩社

乙籤卷十四

八

天寶宮詞

長安胡騎正啾啾塵暗宮花粉黛愁鳳輦不知何處去野鳥
嘯月上延秋

鄧定三首

定字子靜閩人有畊隱集

小草齋詩話國初鄧布衣定題昭君出獵圖云傳呼
莫射南飛雁欲寄平安到漢家一時傳詠以為絕唱
然元陸子方昭君詞云勸君莫射南飛雁欲寄思劍
萬里書信哉詩不蹈襲之為難也

善溪徐無用山房

幽居多野况麋鹿自為羣水向雙溪出山從絕頂分松窗朝
聽雨石碓夜春雲我亦逃名者相期避世氛

南澗寺

諸天樓閣倚層空下視扶桑積水東
山色澗含烏石雨鐘聲
遙度海門風萬家井竈炊煙白
幾處江城返照紅
聞道講師曾說法曇花飛繞梵王宮

江上送客

別酒臨行醉未消
綠楊何處繫蘭橈
知君最是相思處
月落江頭夜半潮

高壁一首

壁字貴明紹興山陰人有遜菴集

雨窗卽事

春色雨中消
飛花亂如霰
坐久不成吟
開簾放雙燕

高原一首

乙籤卷十四

九

廩字居豐紹興山陰人有會稽懷古詩

遊靈峯寺

珠林迴象界
寶閣俯重城
佛境由來淨
塵心到此清
山光連野碧
湖影盪空明
不見談玄客
閒雲自送迎

韓永一首

永字景脩嘉興人

送陳處器

水自潺湲月自明
黃昏溪上幾回行
隔林何處吹長笛
并作

思君一段情

陳顥二首

顥字漢昭嘉興人景融子有竹鄰集

姜南扣舷凭軾錄嘉興陳漢昭能詩嘗題枇杷山鳥
圖云盧橘垂黃雨滿枝山禽飽啄已多時那知歲晏
空林裏竹實蕭疏鳳亦饑此詩怨刺之意見於不言
之表

題竹

湘江玉一枝風節清如許掃榻臥秋陰鷓鴣嗁暮雨

秋瑩

寒光一點映松蘿零落西風恨更多莫向波間照秋影滿溪
涼雨顛殘荷

張慤一首

懔字汝誠鄴人有東臯集

田按汝誠東臯集中如青燈夜雨頭新白黃菊秋風
眼暫明佳句遠尋流水外短笳閒挂白鷗邊夕陽茅
屋誰沽酒明月蘆花好放船閉門花雨鶯嗁過捲幔
薰風燕入忙殊有別趣

乙籤卷十四

十

清明感懷

自入春來不肯晴幾番風雨過清明病餘蓬巷又花落人靜
茆堂唯燕聲川路久無舟可濟石田方嘆憤難耕松楸望望
何時埽滿眼新煙空淚橫

許穆一首

穆字士深松江華亭人

重遊姑蘇登黃氏舊樓

吳門煙柳綠參差倚遍闌干有所思雨暗園林花落早春寒
簾幙燕歸遲蛾眉尙想臺前月鶴髮空添鏡裏絲一曲悲歌
弔陳迹傷心不似舊遊時

過謝氏舊宅

舊日繁華散曉煙
尙餘甲地澱湖邊
春風舞榭空羅綺
夜月樓臺罷管絃
絃鶴唳華亭
雲杳杳鶯嗁金谷
草芊芊誰憐門下
傷心客一度登臨
一惘然

岑琬一首 尙守博學大典觀言不受
一受詩古報耳在谷尺窟未日

琬字公琬餘姚人有雪崖集

錢塘偶成

畫舫行春醉欲迷
湖光好在古城西
不知傾國人何在
楊柳

東風鳥自嘯

馬景約一首 景約字自牧閩人

景約字自牧閩人

明妃曲 自憐自悲謝籍天子只
自憐自悲謝籍天子只

乙籤卷十四 十一

家國知何在風沙滿目愁
惟餘天上月還似漢宮秋

張宥一首 自與閩人

宥字繼孟吳人有夢菴詩稿

題海棠雙鳥

雙雙何事爲春忙
花底飛來羽翼香
今夜且留枝上宿
莫燒

銀燭照紅粧

張羽一首 給散人言雲崖集

羽字孝翊黃巖人有掬清集

田按孝翊嘗從吳主一受詩法所居室名月窟宋景
濂爲之記永樂中尙存徵修大典賜官不受


靜軒

平生心似水投老竟辭官
地僻無人到雲深只自看
白知新

髮短青戀舊 瓊寒且喜無 迎送焚香坐 閉關

乙籤卷十四

七



此籤言... 喜無... 焚香... 閉關... 只有白列

和... 乙籤... 卷十四... 七

明詩紀事

貴陽陳 田輯

乙籤

劉廌 二首

廌字士端青田人誠意伯基孫參政瓊子洪武中襲封貶秩戍甘肅尋赦還永樂中卒於家有盤谷集十

卷

玉堂漫筆太祖時南京官僚想用傘蓋襲封誠意伯劉廌有華蓋殿侍宴退朝詩云團團襍羅傘被服金

雙澗秋潭

幽居罕人事欲與塵慮休行行雙澗阿愛此川上流蕩漾碧

乙籤卷十五

潭影織鱗自沈浮兩虹出幽壑一鏡凝清秋忘形洲渚間洗

耳攀巢由

松磯釣石

結屋清澗阿意與林泉適行吟松下磯垂綸坐磐石得鮮豈足娛懷曠理自得樹影拂天光山氣冷水色自非釣璜土夏與塵囂隔曷哉懷古人豈敢忘疇昔

會甯道中別姜惟清主事

八千道路邊疆去回首甘涼憶舊遊沙塞孤城胡騎接玉關落日酒泉流哈欄果實供盤饌蘇魯麻鴛解客愁此日故人重會別秣陵歸思不勝秋

郭武 一首

武字吳隆營國公英孫贈定襄伯鉉子官尚寶司丞
夜泊湘陵縣逢袁公禮戍貴州

青山如龍渡江去江上波濤濕煙樹三湘七澤枉帆過水綠
蘋香是何處清波渺渺愁予心寒猿故故唳楓林誰將橫笛
叫清夜一曲武溪深復深憐君遠戍烏蠻客把酒燈前話離
別相逢何必舊相知惆悵回船江月白

郭登 五首

登字元登尚寶司丞武弟洪熙時授勳衛正統中擢
錦衣衛指揮僉事超拜都督僉事景帝監國進都督
同知再進右都督景泰初封定襄伯英宗復辟掌南
京中府事以事論斬宥死降都督僉事憲宗卽位復

乙籤卷十五

伯爵成化中卒諡忠武贈侯有聯珠集

麓堂詩話國朝武將能詩者莫過定襄伯郭元登讀
甘州倚門送蒙翁歸朝詩曰青海四年羈旅客白頭
雙淚倚門親莫翁道得歸心便了天涯多少未歸人又
曰甘州城南河水流甘州城北胡雲愁玉關人老貂
裘做苦憶平生馬少游子集蒙翁類博稿見舊草紙
背翁親書王母宮四律愛而錄之頗疑無改竄字與
他草不類久之見所謂聯珠集者乃知爲此老詩幸
不誤錄也
王奉常集定襄起將校得之於邊雲塞草間已復謫
戍老困思歸而後詩益工
國雅定襄節概頗奇不顧文辭
靜志居詩話定襄山王楸樹諸篇力已排算至詠臬
之作直兼張王韓杜之長豈惟武臣一時臺閣諸公
孰出其右
田按忠武詩才力雄博大篇最爲見長竹垞推其詠
臬諸作可謂具眼沈歸愚以爲非詩正聲非通論也
聯珠集今鮮傳本余就所見
錄之殊憾不足盡所長耳

過安南衛

絕頂見孤城征驂向曉行鳥嘯多異響花發不知名石澗閒
雲碓山田趁火耕愁聞耆老說三月未曾晴

普安道中

竹暗藤荒路欲迷一重山度一重溪枯槎偃蹇如人立蠻語
侏儻似鳥嘯花底雨晴飛蛺蝶水邊冬煖見虹霓祇應風味
堪題處三寸黃柑壓樹低

梅花鋪

綠樹冬深不怕霜怪來風土說南方人經蠻寨愁蛇蠱客聚
盤江趁虎場翠黛插雲山似戟潢流蒸氣水如湯王師到處
霑恩澤甘雨隨車洗瘴鄉

自緬甸迴感懷寄沐征南

乙籤卷十五

三

毒霧昏昏水拍天孤帆風雨瘴江邊鯨波去日渾如夢虎穴
歸來始自憐終夜眼穿看北斗幾人身已試蛟涎滇陽萬里
渾驚訝又隔滇陽路五千

暮春登大同西北城樓同仰寺丞瞻潘御史洪賦

滿地花飛春已闌溪風山雨更生寒浮雲蔽日終難散腐柱
擎天恐未安西北兵戈猶擾攘東南民庶半凋殘先朝遺老
慚無補獨對西風把淚彈

沐昂一首

昂字景暉

四庫總目昂字景高不字景暉疑其初字景高至洪熙元年後避仁宗之諱改高

為顯史未及詳黔甯昭靖王英子初爲廂軍左衛指揮僉事

永樂中擢都指揮同知領雲南都司累遷至右都督

正統初代兄子斌鎮守雲南卒贈定邊伯諡武襄有

秦軒集

四庫總目滄海遺珠四卷沐昂所編共詩三百餘首皆
明初流寓遷諱於雲南者以其為劉任肩王侮諸家
詩選所不及故名曰遺珠此編去取精審所錄多斐
然可觀自古以來武人能詩者代代有之以武人司
選錄而其書不愧善
本者惟此一集而已

和遜先生聞砧韻

秋高萬木脫林鴟與子庭前開綠醕忽聞別院動砧聲西風
吹斷蕭蕭雨隔岸人家紅樹稀辭巢燕子故飛飛酒酣自起
為君舞正愛涼颺吹我衣

沐璘二首

璘字廷章定邊伯昂孫景泰初以都督同知鎮守雲

乙籤卷十五

四

南有繼軒集

蘇林伐山雲南都督繼軒沐璘字學皇象畫學米元
章詩學六朝盛唐以僻遠人罕知之
升菴集邱文莊公曰自漢南越入中國始有南海然
西海竟不知所在今望祀西海於蒲州滇之極西百
夷之外聞有大海通西南島夷即西海也宜於雲南
城望祀之慎案王莽立西海郡於西甯之地亦妄也
今滇西百夷之外有大海在今阿瓦地沐璘為都督
曾至其地有詩云蛇首樓船十丈長船頭鑿鼓樂笙
簧篙師百櫓齊搖去阿瓦城邊水似湯即西海無疑
矣

田按沐氏自黔甯以來世
有傳詩繼軒詩極有風韻

臨安荔枝

建水夫何如厥土早而熱蠻花開佛桑候禽罷鷓鴣鴉莽雲覆
濱濛梅雨滋霽翳接地茂棚枝遮空舒黛葉翠葆霞焜煌錦
幄風掀揭香麝忌經過飛驒防盜竊勁雛赤膚脫肥脊瓊穰

呂明瑞怪可飡冰丸訝許齧鳳爪天下奇龍牙眾中傑飽食
慚素餐長吟望林樾

遊無爲寺

白石磷磷積翠巒林花深處有茅菴煮茶迎客煙生窻刷筍
出山雲滿籃香熟龍涎清沚氣壁懸塵尾罷清談野禽時見
人來往驚觸崖花下石潭

王清

清字一甯合肥人世襲濟甯衛指揮遷廣東都指揮

死於寇難有建囊集

雙槐成鈔王清濟甯衛指揮慷慨多勇略常提兵入
衛宣德間率所部出喜峯口及至鴛鴦海峽虜累立
奇功曾有句云落日龍荒虜直劍光直射斗牛寒
少年氣節應無敵肯負平生一寸丹正統丁巳升廣

乙籤卷十五

五

東都指揮以親老不遂迎養陳情乞分奉於原衛詔
許之蠻夷叛據大藤峽清往討有功已巳協同總兵
駐軍高州廣賊黃蕭養劫鄉民叛眾十餘萬圍攻廣
州清帥舟師赴援至沙角尾水淺舟膠失利被執賊
素知清威望不敢害清投寺幾回夢墮鬼門關數日
大書詩云半夜愁吟海珠寺幾回夢墮鬼門關數日
賊擁清至城下使諭眾開
門降清罵賊不絕遂遇害

遊青山

天際芙蓉紫翠重巖前古廟倚長松陰廊碑斷蒼苔合空洞
雲歸碧筱封爭樹有時喧鳥雀殿雷無地走蛟龍題詩卻憶
登臨日曾醉煙霞最上峯

明詩紀事

貴陽陳田輯

乙籤

馬愉一首

愉字性和臨胸人宣德丁未第一人及第授修撰正

統中再遷至侍讀學士入內閣參預機務進禮部侍

郎卒贈尙書有澹軒集七卷

翰林記大學士楊榮家於長安東門之南宣德三年三月學士楊溥掌院事率僚友迎首甲馬愉等三人

宴其中楊士奇因名其堂曰聚奎爲文以識之衆皆賦詩自是遂爲例不知何時此禮遂廢然館閣相與

宴集猶謂之聚奎宴蓋自此始也

題李鎮撫公餘清趣卷

乙籤卷十六

沙場走馬獵初還細柳轅門盡日間倚閣攤書開翠幌凭欄

敲句對青山數聲鶴唳蒼松下一曲瑤琴綺席間正是太平

烽火熄雕弓長弛不須彎

蕭鐵三首

鐵字孟勤泰和人副使狲子見甲宣德丁未進士選

庶吉士授編修正統中進侍讀國子祭酒景泰初兼

翰林學士入直文淵閣尋進戶部侍郎再進尙書英

宗復辟削籍歸成化中復官有尙約居士集

田按孟勤宣德二年丁未進士至八年合丁未庚戌癸丑三科共選二十八人爲庶吉士孟勤居首史稱

其學問該博文章爾雅余檢尙約集五言冲淡有章柳遺意

題山水圖一首

身已與世違超然景方寂嘉樹數層陰蒼苔間行迹亭山
上雲齒齒溪中石豈無同心人相賞共晨夕

青山何岩巖下有嘉樹林高亭晝閒敞窗戶含層陰好鳥鳴
檐間始知春意深迴無物外累默處抱冲襟

南泉慢興

其言脈中幾葉外製對蠻蠻人

朝衣脫却換荷裳自是郊居引興長松徑曉煙蘿薜暗藥欄
春雨杜蘅香傳經有客隨藜杖載酒何人問草堂更擬垂綸
理清棹武陵溪水卽滄浪

吳惠 四首

惠字孟仁吳人宣德丁未進士除行人厯官桂林知
府廣西參政

乙籤卷十六

二

田按孟仁有投洋詩云使臣雖渺軀威靈挾玉冊煌
煌大明詔海君敢失職告爾應有知安瀾送飛驛王
整震澤編云孟仁使古城時海風暴作操筆爲文投
洋水中風濤頓息當卽指此詩也孟仁入義甯峒一
篇具體昌黎母謂
承宣間無作家也

入義甯峒

天設此邦險乃爲蠻獠窟亂峯青天萬石雲中突峭壁矗
崇墉古洞嵌碑碣關門守一夫仰面攻豈得從來詐力徒恃
此每狂悖撫馭失其宜禍作勞翦伐嗟彼蠻獠人生亦具膚
髮天性匪盡乖順逆理可奪單車抵其壘開誠破迷惑涕泣
盡投刃盟心牲載割兵氣潛以消約束鮮雉刺頓覺嶮巖處
嵐光堪拄笏迺知邊蠻開十五激之發柔遠有經綸禁網尙

疏濶

喜雨

山城五月土欲焦浮雲瀾漫橫四郊昏黑須臾失天地滂沱
高下平塘坳及時萬畝播嘉穀鼓腹百姓歡衡茅張燈置酒
宴嘉客醉翁亭記當笙匏

水災後過淮作

聞道淮安富開倉復賑貧江南半天地小惠莫言春

春日漫興

十日不出花盡開城南城北錦成堆卽教閉戶從花盡莫遣

看花不醉歸

徐珙一首

珙字聯璧錢塘人宣德丁未進士除太僕丞出爲寶

乙籤卷十六

慶知府有西湖散人稿

畫眉

野性從來不受羈隨聲百轉任高低也曾鎖向雕籠聽不及
林間恣意嘯

林文 四首

文字恒簡莆田人宣德庚戌第三人及第授編修正

統初進修撰景泰中進春坊諭德兼侍講再進庶子

英宗復辟改尙寶司卿拜學士成化初進太常寺少

卿仍兼學士卒贈禮部侍郎諡襄敏有澹軒稿

田按澹軒詩格清遠
有悠然出塵之致

題山水圖 三首

淑氣轉林壑青陽變故陰新花發枯木弱植鳴幽禽駕言訪
知己攜我床上琴欲調陽春曲庶以貽知音

山屋隱雲深危峯倚天立澗轉暗泉通林疏斜影入披襟納

松風臨流坐苔石浩歌澹忘歸於焉以終夕

蘋末起西風秋聲振林壑山雲卷復舒林葉埽還落郊墟轉

新涼展卷窗下讀榮辱了不聞終身成獨樂

鷓鴣圖

芳竹叢深路不分聲聲相應隔湘雲別來忽向圖中見彷彿

江南曲裏聞

李棠四首

棠字宗楷縉雲人宣德庚戌進士授刑部主事歷員

乙籤卷十六

四

外郎中超擢本部侍郎巡撫廣西有蒙齋集

田按宗楷在刑部以善聽斷名於時超拜侍郎巡撫

廣西有惠政以恩明士知府黃珮爲庶兄珮所殺宗

楷廉得其實獄已具珮使人走京師請景帝廢太子

立己子帝大喜立擢珮都督同知遂不得竟其獄謝

病歸詩有陶韋遺韻

燕清八詠有序 錄四

余至廣西之明年視公署後一小軒頽然將壓欲葺

之以便燕息之所時寇起歲祲輒環四方無虛日故

未暇及越壬申秋寇平且得歲民用乂康余樂甚因

命工葺之揭其楹曰燕清公事之餘日尙羊其間軒

之前植物八品玩之爲樂興之所至初不知物之爲

我而我之爲物也各賦一詩合爲八詠

質性本巖壑何年植軒墀栽培豈人力亦荷乾坤私昔聞出
蕭艾今已干雲霓嗟彼蒲與柳經秋忽先萎顧惟堅貞操青
青閱四時願言託幽契歲晚相因依

右松

弱質性寒洵託根本炎荒去冬與今春冰雪一月強老幹凍
欲死枝葉萎且黃到今秋已深疏花始芬芳興衰感物理悵
焉成內傷

右素馨

種菊滿籬落杖策時一行匪徒事遊豫愛此秋氣清引觴注
醕醪泛泛黃金英取醉亦有適豈必制頽齡有懷時激烈長
歌振林垌緬思靖節翁悠然千古情

乙籤卷十六

五

右菊

種竹我來初森森已成叢悵焉感時序浪迹成飛蓬所賴天
降康豐年及野農移床坐層陰市地光玲瓏高歌激商灑習
習來清風邊氓旣云樂久客何憂冲

右竹

薩琦一首

琦字廷珪閩人宣德庚戌進士選庶吉士授編修正
統中進侍讀景泰中擢禮部侍郎兼少詹事

早朝

鵠立彤墀夜未央參差環珮觀明光嵩呼近識龍顏喜御坐
濃薰雉尾香花霧煖開金殿曙柳煙晴引玉階長招搖仁轉

千官肅遙聽鐘聲出建章

方熙 一首

熙字孟明莆田人宣德庚戌進士選庶吉士出爲潮
州通判有東軒集

東巖

石徑蒼苔古長廊白晝閒臺花和雨墜獨鳥向人還

毛宗魯 一首

宗魯字師曾掖人宣德庚戌進士官御史有葵軒稿

王士祿濤音集宗魯
詩筆淹潤惜不多見

大澤山

芙蓉朵朵倚空碧蒼松倒挂嵯峨石山頭雨過霽色鮮嵐氣

乙籤卷十六

六

浮空翠欲滴白雲出岫本無心時時繞護禪房陰衲子挂錫
無他事跣趺日坐蒼苔深

范理 一首

理字道濟天台人宣德庚戌進士授江陵知縣擢德
安知府再擢福建布政使改貴州拜南工部侍郎改

吏部有丹臺稿

田按楊文定執政時其子自家來省道出江陵不爲
縣令所禮乃天台道濟也文定重之擢爲德安知
府再擢布政使或勸當致書謝道濟曰宰相爲朝廷
用人非私理也人兩賢之道濟治吾黔實惠及民祀
之名曰范理田人宣德庚戌進士

石梁

萬疊雲山紫翠重微茫一徑路遙通忽聞鐘磬穿雲出漸見

樓臺隱霧中，瀑向巖前飛。玉屑人從天上踏，銀虹此身卽是登方廣。變幻何須更遠窮。

鍾順 三首

順字必華，南海人。宣德壬子舉人。知沔陽州，擢太平

知府，有鳴盛集。

荆南晚眺用劉仔肩韻

日落晴川泊去舟，眼前風景憶曾遊。青分松逕山邊寺，紅隱楓林驛外樓。過雁遠牽孤客恨，清砧偏動異鄉愁。一官牢落成何用，空有丹心戀帝州。

清夜聞笛

小樓人醉月初斜，歸思迢迢隔海涯。短笛誰吹斷腸曲，滿庭

乙籤卷十六

七

香雪落梅花

徐有貞 四首

有貞初名瑄，字元玉，吳人。宣德癸丑進士，選庶吉士。

授編修，歷修撰，侍講，春坊諭德，擢僉都御史，進左副

都御史，英宗復辟，拜華蓋殿大學士，兵部尙書，封武

功伯，未幾下獄，戍金齒，尋赦，還有武功集五卷。

吳中往哲記：武功伯夙負高才，談鋒文氣，英邁莫敵。兼葭堂雜鈔：徐武功居史館，修何尙書文淵事賦詩。曰：温州太守重來歸，昔何廉退今何遠，卻金館在已如掃，掩月堂寒空掩扉，人間固有假仁義，天下豈無

真是非。老夫忝秉春秋筆，不作詭詞取世譏。

鮑翁家藏集：天全翁自南詔歸，適大參祝公僉憲劉公，皆致仕家居，登臨遊賞之樂，必共之。酒酣興發，更

倡迭和落紙，人爭傳之，以爲奇。

姑蘇志：徐元玉詩文雄偉奇麗，詞尤妙絕。其詩草

徐有貞

得長沙素師米襄陽風
書史會要武功書法古雅雄健名重當時
田按武功恒云左邊堆數十萬金右邊殺人流血而
目不轉者真宰相也此語亦太露殺機陷于忠肅傾
險甚矣得流
金齒亦幸事

輓東萊黃少保

公也人中傑乘時起海濱
明良欣際會屯難見經綸鸞鳳無
卑集龍蛇有屈伸立成多直諫
懷慎素安貧莫北初分治南
交久撫馴居官方保奭留守比君陳
奄嘆摧梁木俄驚委大
椿悲風來萬里陰景翳三辰遺烈存青史
餘休啟後人淒涼
聞訃日哀思動儒紳

登獅山

麥黃天氣爽如秋乘興聊爲岩峯遊
香徑踏花來洞口小舟

乙籤卷十六

八

送酒過溪頭橫塘樹色連龍鳴
茂苑煙光接虎邱絕勝竹林
觴詠處卽今誰數晉風流

題畫

山下雲連山上溪西水接溪東舟渡白鷗飛
處人行綠樹陰

中八鷗鷗景宮文外黃留中且昏刺命製對翠木遊瀾委狀

東鷗鷗圖風而立如空直前鷗鷗對表文禽黃其爾谷台南

煙雨蕭蕭苦竹秋感人常自叫鉤
輶披圖無限江南思不必
聞聲也自愁黃少保

李賢一首

賢字原德鄧州人宣德癸丑進士授吏部主事進郎
中擢兵部侍郎改戶部英宗復辟兼翰林學士入直

文淵閣預機務進尚書坐事下獄謫福建參政未行

留為吏部侍郎尋復官進太子太保成化初進少保

華蓋殿大學士卒贈太師諡文達有古穰集三十卷

國史唯疑郭璉為兵部尚書雅持正試進士李賢嘉

禾詩謂有公輔器與張紘之識楊士奇事同

雙槐歲鈔文淵閣右植芍藥有臺相傳宣廟幸閣時

命工砌白石初植一本居中澹紅者是也景泰初增植

一本純白居左深紅有貞許彬薛瑄李賢同時入為學

士居中一本遂開四花其久而不落既而三人皆

去惟賢獨留人以為兆明年暮春忽各萌芽左右

三則則甚多而彭時呂原林文劉定之李紹倪謙黃

諫錢溥相繼同升學士凡八人賢約開時共贊首夏

四月盛開入花賢遂設燕以賞之時賢有玉帶之賜

諸學士各賜大紅緋衣且賜宴因名純白者曰玉帶

白深紅者曰宮錦紅澹紅者曰醉仙顏惟諫以足疾

不起明日復開一花眾謂諫足以當之賢賦詩十章

閣院宮寮咸和彙成曰玉堂賞花會賦詩者四十八

納蘭成德涿水亭雜識玉堂賞花會賦詩者四十八

乙籤卷十六

九

學士則南陽李賢安成彭時携李呂原莆田林文安

成李紹永新劉定之錢塘倪謙東吳錢溥侍讀則金

城黃諫詹事則廬陵陳文長洲劉鉉侍講則眉山萬

安漁陽李泰中允則古杞孫賢善則范陽牛綸修

撰則吳中陳繼博野劉吉姚瑩賈華容徐溥瓊山邱

則西蜀李本毘陵王煥徐姚闢宜興徐溥瓊山邱

洛泰和尹直安成彭華雪川陳秉中臨川徐瓊四明

楊守陳臨江吳匯檢討則嚴州傅宗安成張業河東

泰和陳穀侍書則浙人江東曹見詩成李賢序之外彭

臨淮凌耀宗中書舍人江東曹見詩成李賢序之外彭

時作後序

田按諸公和李文達內閣芍藥黃字韻詩彭學士時
句云色借宮袍近柘黃林學士文句云玉帶終近省
賜白金花應瑞舊圍黃倪學士謙句云託帶峯近省
閣黃又云近侍曾聞亞姚魏品題今喜得蘇黃黃侍
讀諫句云資福玉盤先逞白廣陵金帶總腰黃永新
劉學士定之則玉帶白宮錦紅醉仙顏各賦一詩見
本集此後成化中徐少傅溥賦內閣芍藥用吟扉二
韻本院官皆和之正德中大學士梁儲楊一清賞芍
藥用東冬清青為
韻詩各別紀於後

除夜書懷

使節淹淮甸殘冬接早春揚州除夜客湍水未歸人歌管千家樂琴書旅舍貧鄉懷從此切清淚欲沾巾

周旋一首

旋字中規永嘉人正統丙辰第一人及第授修撰進侍講兼左春坊左庶子有畏庵集十卷

泉川耕讀

南山崇且深溪水清以漣良田百餘畝草屋八九椽藹藹桑麻場漠漠榆柳煙清晨荷鋤去日暮荷鋤還孺子掩柴扉攤卷青燈前讀罷命濁酒取醉輒復眠

劉定之三首

乙籤卷十六

十

定之字主靜永新人舉人舉子正統丙辰第三人及第授編修遷春坊洗馬再遷右庶子英宗復辟改通政司參議尋改翰林學士進太常少卿成化初兼侍講學士入內閣預機務擢工部侍郎改禮部卒贈尙書諡文安有呆齋集四十五卷

水東日記劉洗馬定之與兵部侍郎王偉遇於朝偉戲劉曰吾太僕馬多公須一一洗之劉應聲曰何止太僕諸司馬不潔我固當洗之聞者快之翰林記劉井學士劉定之所浚在公署後堂之左麓堂詩話劉文安公不甚喜爲詩縱其學力往往有出語奇崛用事精當者如英廟輓歌石鐘山歌等篇皆可傳誦

殿閣詞林記成化中學士劉定之應制賦元夕詩絕句百首頃刻而成

題子昂蕃馬圖

烏騅赤驪皆龍種對立春風耳雙聳蹄鐵高蹠疑削成垂項
長鬣欲飛動圍官牽來意態閒老髯側立何蒼顏攘袂並語
乃年少紅衫黑鞞面如盤氣象本自陰山北人馬俱帶風霜
色相將雄跨入九軍便欲長驅周八極想當有元乘運時天
閑育此神駿委振策南馳御宇內降王萬里皆繫纍趙公王
孫目所覩含毫揮染心宜苦固知名筆掩曹韓可惜裸將來
黼冔百年縑素人珍藏錦囊玉軸相輝煌乾旋坤轉須臾事
單于來獻真飛黃

江湖勝覽

扁舟遊江湖歷覽既已廣有如閱奕棋變態須臾往聊用適
吾意奚必復存想嗟君好事寫作圖時一觀之更有娛乃知

乙籤卷十六

十一

翰墨亦所好如此高懷不可無我行衛河正春暮中原萬里
羅煙樹澶淵鷗泛水東流太行龍騰勢南去前代功名那復
知白髮老叟談明時閭閻歌舞樂堯舜梯航朝貢來四夷請
君過此駐鳴櫓爲我登臨一弔古曹操台前尋片瓦信陵墳
上酬坏土

裕陵輓詞

睿皇厭代返仙宮武烈文謨有祖風享國卅年高帝並臨朝
八閩太宗同天傾玉蓋旋從北日昃金輪卻復中賜第初元
臣老朽負恩未報泣遺弓

程思溫一首

思溫字叔玉婺源人正統丙辰進士禮部員外郎死

土木之難

鳳池

玉殿分行曉侍班
退朝花底珮珊珊
鳳池春煖多清暇
自把龍涎試博山

王偉 一首

偉字士英攸人正統丙辰進士選庶吉士授戶部主事遷兵部郎中擢侍郎有桐山集七卷

閒中偶成簡杜大尹

岸幘披襟酒乍醒
久居林下已忘形
侵尋老景雙蓬鬢
流落天涯一草亭
春漲水添千頃綠
雲開山擁半空青
年來博得閒中趣
一任浮生迹似萍

乙籤卷十六

三

林壁 一首

壁字貴璧黃巖人正統丙辰進士除禮部主事再遷南吏部郎中

梅溪明因寺

開戶碧峯入問途
黃葉封寒泉鳴絕澗
落日在高松

李頤 一首

頤字思誠博羅人正統丙辰進士授戶部主事改刑部遷員外出爲福建按察僉事歷福建參政山東浙江布政使拜工部侍郎

承召之京憶羅浮

吾郡佳山水羅浮天下聞
自隨丹鳳詔閒卻玉床雲
流水清

無限梅花瘦幾分欲歸歸便得猿鶴莫移文

戴埴一首

邇字汝器南海人正統戊午舉人官訓導有靖節集
送張序班還京

官舍花枝映酒卮離筵玉管雜青絲客情後夜知何處樽酒
今朝醉莫辭雨過江城榕葉暗月明山路馬行遲誰云吏隱
金門下會見承恩出鳳池

乙籤卷十六

三

